

**PROPOZICIJE**  
**takmičenja u Kup-u BiH**

Sarajevo, jun 2020. godine

Na osnovu člana 30. Statuta OS BiH, Upravni odbor OS BiH na sjednici održanoj 16.06.2020. godine, donio je

## **PROPOZICIJE** **takmičenja u Kup-u BiH**

### Član 1.

Kup BiH u odbojci je tradicionalno masovno takmičenje svih odbojkaša-ica na teritoriji BiH u kategorijama seniora i seniorke.

### Član 2.

Takmičenje u Kup BiH je obavezno za sve klubove učesnike Premijer lige BiH od prve faze takmičenja.

U ovom takmičenju učestvuju i drugi odbojkaški klubovi, a mogu da učestvuju i klubovi drugih organizacija za fizičku kulturu, sindikalnih, univerzitetskih, školskih i drugih organizacija.

### Član 3.

Takmičenje u Kup-u BiH sprovodi se u dva dijela:

- Prvi dio sprovodi nadležni takmičarski organ OS F BiH i OS RS.
- Drugi-završni dio sprovodi direktor takmičenja OS BiH.

Za takmičenje u Kup-u BiH u prvom dijelu nadležni organi OS F BiH i OS RS donose propozicije, koje ne mogu biti u suprotnosti sa ovim propozicijama.

### Član 4.

Takmičenje prvog dijela Kup-a BiH odvija se u regionalnim odbojkaškim asocijacijama, počinje svake godine 01. marta i mora se završiti do 30. novembra, do koga roka su organizatori obavezni da dostave direktoru takmičenja OS BiH pisani izvještaj u kome treba naznačiti broj učesnika i podatke o klubovima koji su stekli pravo učešća u završnom dijelu Kup-a BiH.

Regionalne odbojkaške asocijacije su obavezne u roku prijavljenim klubovima omogućiti takmičenje u Kup-u BiH od prvog dijela Kup takmičenja.

### Član 5.

Drugi-završni dio takmičenja u Kup-u BiH organizuje se kao polufinalne i finalne utakmice.

U završni dio takmičenja u Kup-u BiH kvalifikuju se dva prvoplasirana kluba iz prvog dijela Kup takmičenja koje organizuju i provode regionalne odbojkaške asocijacije.

Utakmice završnog dijela Kup-a BiH igraju se prema kalendaru takmičenja OS BiH.

### Član 6.

Polufinale Kup-a BiH igra se u dvije utakmice, prva na terenu kluba koji je slabije plasiran u OS F BiH i OS RS, a druga na terenu bolje plasiranog.

Pobjednik u polufinalu je klub koji osvoji dvije pobjede, u slučaju po jedne pobjede računa se set količnik, a u slučaju istog set količnika računa se poen količnik.

Parovi polufinalnih utakmica KUP-a BiH su:

- Prvoplasirani iz OS F BiH - drugoplasirani iz OS RS i
- Prvoplasirani iz OS RS - drugoplasirani iz OS F BiH.

## Član 7.

Finalnu utakmicu Kup-a BiH igraju klubovi pobjednici polufinalnih utakmica.

Odbojkaški savez BiH, kao organizator finalne utakmice Kup-a BiH, tehničku organizaciju povjerava klubu, sportskom centru, sportskoj organizaciji i dr. na osnovu procjene opšteg interesa za razvoj i propagandu odbojke i uslova datih u ponudi na osnovu raspisanog konkursa.

Pod ispunjavanjem uslova iz ponude podrazumjeva se da klub ima mogućnost i nudi organizaciju finalne utakmice u skladu sa aktima Saveza, odnosno da ispunjava sve uslove propisane aktima, da snosi troškove tehničke organizacije i službenih lica, te obezbjediti prevoz gostijućih ekipa do dvorane ukoliko u mjestu odigravanja utakmice ne postoji hotel ili motel najniže kategorije tri zvjezdice i ako isti nije udaljeniji više od 10 kilometara od mjesta odigravanja finalne utakmice (opšti uslovi).

Pod osnovne uslove spada i obezbjeđenje pansionске usluge za dva predstavnika agencije koja će izvršiti snimanje i medijsko prezentovanje finalnih utakmica Kup-a BiH.

Konkurs za organizaciju finalnih utakmica Kup-a BiH objavljuje se dan nakon odigravanja drugih polufinalnih utakmica i ostaje otvoren 10 dana.

Konkurs obavezno mora da sadrži krajnji rok za dostavu ponude, datum i vrijeme otvaranja prijave, poziv zainteresovanim klubovima da prisustvuju otvaranju prijave (ukoliko niko od predstavnika klubova ne prisustvuje, prijave će se otvarati i u tom slučaju). Prijava se dostavlja isključivo putem pošte u koverti koja mora biti zatvorena sa vidljivom naznakom „Prijava na konkurs“. Koverat mora biti u kancelariji Saveza ovjeren prijemnim štambiljom sa upisanim tačnim datumom prijema prijave.

Kandidat za tehničku organizaciju utakmica može (za smještaj mora) ponuditi i dodatne uslove koji se boduju na sledeći način:

- |   |            |
|---|------------|
| – najveća novčana nagrada klubu pobjedniku finalne utakmice i to samo za iznose preko 1.000 KM  | 30 bodova, |
| - Besplatan pansion za gostujući klub (18 članova) u hotelu ili motelu minimalno kategorije tri zvjezdice uz dostavljanje dokaza o kategorizaciji hotela ili motela   | 30 bodova  |
| - ako nema ponude za besplatan pansion boduje se najniža cijena pansiona  |            |
| – najniža cijena pansiona za gostujući klub (sa PDV) u hotelu ili motelu minimalno kategorije tri zvjezdice uz dostavljanje dokaza o kategorizaciji hotela ili motela | 20 bodova, |
| – najveća novčana nagrada za najboljeg odbojkaša-icu i to samo za iznose preko 200 KM   | 20 bodova, |
| – ako klub nije bio domaćin finalne utakmice ili turnira Kup-a u protekle 2 godine  | 20 bodova. |
| – izjava o prihvatanju obaveza stvaranja tehničkih uslova za TV prenos od strane javnog emitera i prihvatanje troškova pansionskog smještaja televizijske ekipe       | 20 bodova  |

Ukoliko se za domaćina finala Kupa kandiduje klub koji ima sve osnovne uslove i ponudi da obezbijedi troškove organizacije finala Kupa u istom danu u muškoj i ženskoj konkurenciji uz ponudu sledećih uslova: troškove službenih lica, troškove dvorane i cjelokupne tehničke organizacije, postavljanje tarafleks podloge, troškove TV prenosa javnog emitera uključujući i emitera sportklub koji pokriva područje OS BiH; i nagradu najboljem odbojkašu-ici u iznosu od minimalno 200 KM, besplatan pansionski smještaj za klubove koji su udaljeni više od 200

km od mjesta odigravanja finalnih utakmica, organizacija finalnih utakmica će se dodijeliti bez bodovanja.

Ukoliko se za organizaciju sa gore ponuđenim uslovima prijavi dva ili više klubova, prednost će dobiti klub koji u cjelini ima bolju ponudu. Ako su ponude iste organizacija će se dodijeliti klubu koji nije bio domaćin finala Kupa posljednji.

Klub koji se prijavljuje na konkurs mora ponuditi najnižu cijenu pansiona sa PDV-om u hotelu ili motelu najniže kategorije tri zvjezdice koji nije udaljen više od 10 kilometara od mjesta odigravanja finalne utakmice i dostaviti kopiju rješenja o kategorizaciji ugostiteljskog objekta (hotela, motela) koje izdaje nadležni organ.

Domaćin i tehnički organizator finalne utakmice biće onaj klub koji prihvati opšte uslove i koja sakupi više bodova po osnovu posebnih uslova iz konkursa. Prijave na konkurs u kojima nisu prihvaćeni svi opšti i ponuđeni (ispunjeni) svi dodatni uslovi odbacivaće se iz formalnih razloga i neće se uzimati u razmatranje.

Ukoliko klubovi sakupe isti broj bodova, organizacija će se dodijeliti klubu koji nije bio domaćin finala Kupa posljednji.

U slučaju postizanja dogovora o prenosu finalne/ih utakmica Kup-a BiH sa javnim TV emiterom, klub je obavezan obezbijediti pansioni smještaj za TV ekipu, a Odbojkaški savez Bosne i Hercegovine ustupiće 50% prostora za marketing odbojkaškom/im klubu/ovima organizatoru/ima finalne/ih utakmica Kup-a BiH.

Pod marketinškim prostorom podrazumijevaju se reklamni spotovi i krol ispis tokom emitovanja utakmice/a.

Ako javni emiter ne prihvati TV prenos, klub domaćin utakmice može ugovoriti TV prenos sa regionalnim i lokalnim emiterima i u tom slučaju pripadaju mu sva prava i obaveze iz TV prenosa.

U slučaju da se niko ne prijavi na konkurs, o mjestu odigravanja finalne utakmice odlučuje direktor takmičenja OS BiH, a troškove organizacije finalne utakmice i službenih lica snose svi klubovi učesnici finalne utakmice ravnomjerno.

#### Član 8.

Obavezno je intoniranje himne Bosne i Hercegovine prije početka finalne utakmice Kup-a BiH.

Po završetku finalne utakmice obavezno je svečano proglašenje pobjednika Kup-a BiH i najboljeg odbojkaša-ice Kup-a BiH u prisustvu postrojenih klubova i službenih lica.

Proglašenje pobjednika podrazumjeva dodjelu pehara u trajno vlasništvo pobjedniku Kup-a BiH i medalja za prvo i drugo mjesto.

Kao trećeplasirani klub u Kupu BiH smatraće se poraženi klub iz polufinalnih utakmica koji je ostvario bolji set količnik, odnosno poen količnik ukoliko je set količnik isti. Ukoliko su dva naprijed navedena kriterija ista, trećeplasirani klub biće onaj koji je u polufinalnoj utakmici poražen od pobjednika Kup-a BiH.

#### Član 9.

Protokolom o odigravanju utakmica utvrđuju se svi detalji toka ceremonije sa potrebnim grafičkim priložima.

Dva dana prije početka finalne utakmice, OS BiH u saradnji sa klubovima učesnicima izdaje Bilten Kup-a. Bilten se izdaje u elektronskoj formi, postavlja na web stranicu OS BiH i dostavlja svim odbojkaškim subjektima. Sastavi klubova i ostali podaci štampani u Biltenu moraju biti isti i u prijavi klubova na finalnoj utakmici.

Najboljeg odbojkaša-icu u muškoj i ženskoj konkurenciji odrediće tročlana komisija u sastavu: trener prvoplasiranog kluba, trener drugoplasiranog kluba i prisutni TV sportski komentator koristeći podatke koje obezbijedi statističar utakmice.

U slučajevima kada nije obezbjeđen TV prenos, umjesto TV komentatora delegat-kontrolor učestvuje u proglašenju najboljeg odbojkaša-ice.

Glasanje se obavlja na obrascu koji je sastavni dio ovih propozicija (Prilog 1. i 2.).

#### Član 10.

Domaćin finalne utakmice Kup-a BiH obavezan je organizovati konferenciju za štampu najkasnije dva dana prije održavanja finalne utakmice.

Na konferenciju za štampu domaćin finalne utakmice obavezan je pozvati predstavnike medija, predstavnika gostujućeg kluba i predstavnike OS BiH.

#### Član 11.

Utakmice takmičenja u Kup-u BiH igraju se u skladu sa utvrđenim kalendarom takmičenja OS BiH.

Direktor takmičenja ima pravo da odredi termine i satnicu odigravanja utakmica u konsultaciji sa klubovima, vodeći računa o opštim interesima odbojkaškog sporta.

#### Član 12.

O žalbama na utakmicama Kup-a BiH odlučuje organ koji provodi takmičenje.

#### Član 13.

Službena lica na finalnoj utakmici Kup-a BiH su delegat ili delegat-kontrolor, prvi i drugi sudija sa liste za stalna takmičenja OS BiH, zapisničar i četvorica linijskih sudija sa „B“ liste OS F BiH ili OS RS iz mjesta odigravanja utakmice ili najbližeg mjesta.

#### Član 14.

Troškovi organizacije utakmica i naknade službenim licima snosi klub domaćin u svim krugovima takmičenja, izuzev u slučaju iz člana 7. stav 12.

Naknade putnih troškova, dnevnica i taksa za sudije i delegate u prvom dijelu takmičenja propisuje organ koji sprovodi takmičenje.

Na finalnoj utakmici Kup-a BiH, takse i ostale naknade se propisuju posebnom Odlukom.

#### Član 15.

Utakmice završnog dijela Kup-a igraju se u dvoranama koje odgovaraju propisima iz Međunarodnih pravila igre, Pravilniku o takmičenju OS BiH i ostalim takmičarskim dokumentima OS BiH.

Klubovi koji na finalnoj utakmici nastupe bez prvog i drugog trenera i dvanaest odbojkaša-ica bit će sakcionisani po članu 39., tačka 8. i 9. Propozicija takmičenja OS BiH Premijer liga.

#### Član 16.

Utakmice završnog dijela Kup-a BiH igraju se loptama određenim Propozicijama takmičenja OS BiH (Premijer liga).

#### Član 17.

Tehnički organizator finalne utakmice završnog dijela takmičenja obavezan je da izvrši rezervacije smještaja i ishrane za maksimalno 18 osoba gostujućeg kluba pod uslovima datim u ponudi.

Gostujući klub dužan je da najkasnije 8 dana prije održavanja finalne utakmice potvrde rezervaciju smještaja po ponudi organizatora sa naznačenim vremenom dolaska i brojem osoba.

#### Član 18.

Odustajanje ili istupanje iz takmičenja završnog dijela Kup-a BiH smatraće se neopravdanim nenastupanjem u smislu člana 59. Pravilnika o takmičenju OS BiH, radi čega se pokreće disciplinski postupak zbog prekršaja sankcionisanog članom 14. tačka 36. Pravilnika o disciplinskoj i materijalnoj odgovornosti u OS BiH.

Klub koji iz neopravdanih razloga ne nastupi u takmičenju nema pravo konkurisanja za domaćina finalne utakmice KUP-a BiH naredne četiri godine.

#### Član 19.

Klub domaćin koji ne organizuje finalnu utakmicu Kup-a BiH u skladu sa aktima Saveza i datom ponudom, snosi disciplinsku odgovornost zbog ugrožavanja regularnosti sistema takmičenja u okviru OS BiH.

Klub koji učini ovaj prekršaj ne može biti domaćin finalne utakmice Kup-a BiH naredne četiri godine.

#### Član 20.

Za sve što nije predviđeno ovim Propozicijama, važe odredbe Pravilnika o takmičenju OS BiH i ostalih takmičarskih dokumenata OS BiH.

#### Član 21.

Tumačenje Propozicija daje Upravni odbor Saveza.

#### Član 22.

Propozicije stupaju na snagu danom donošenja, a primjenjivaće se za takmičarsku 2019/2020. sezonu.

#### Član 23.

Stupanjem na snagu ovih Propozicija prestaju da važe Propozicije usvojene na sjednici Upravnog odbora OS BiH broj: 01/1-324/19 od 27.06.2019. godine.

Broj:01/1-205/20  
Datum, 16.06.2020. godine

PREDSJEDNIK  
Alija Fatić, s.r.



**ODBOJKAŠKI SAVEZ BOSNE I HERCEGOVINE**  
**VOLLEYBALL FEDERATION OF BOSNIA AND HERZEGOVINA**  
*Affiliated in FIVB*



Ja \_\_\_\_\_,

trener „OK” \_\_\_\_\_” iz \_\_\_\_\_,  
 za najboljeg odbojkaša-icu finalne utakmice Kupa BiH u  
 ženskoj/muškoj konkurenciji, a na osnovu dostavljene statistike,  
 predlažem:

\_\_\_\_\_, \_\_\_\_\_  
 (broj odbojkašice) (ime i prezime odbojkaša-ice)

odbojkaša-icu

„OK” \_\_\_\_\_” iz \_\_\_\_\_

U \_\_\_\_\_, \_\_\_\_\_, \_\_\_\_\_, 2020. godine

Potpis trenera:

\_\_\_\_\_

Delegat

\_\_\_\_\_



**ODBOJKAŠKI SAVEZ BOSNE I HERCEGOVINE**  
**VOLLEYBALL FEDERATION OF BOSNIA AND HERZEGOVINA**  
*Affiliated in FIVB*



Ja \_\_\_\_\_ iz \_\_\_\_\_,

prisutni TV komentator, za najboljeg odbojkaša-icu finalne utakmice Kupa BiH u ženskoj/muškoj konkurenciji, a na osnovu dostavljene statistike, predlažem:

\_\_\_\_\_, \_\_\_\_\_  
 (broj odbojkašice) (ime i prezime odbojkašice)

odbojkaša-icu

\_\_OK\_\_ ” \_\_\_\_\_ ” iz \_\_\_\_\_

U \_\_\_\_\_, \_\_\_\_\_.\_\_\_\_\_.2020. godine

Potpis TV komentatora:

Delegat

\_\_\_\_\_

\_\_\_\_\_